

Dr Brief idr Fläschäposcht

Suechend streck ich mini Händ us,
voll Sehnsucht nach äs bitzli Halt.
„Gott hilfmer“, schriid mini Seel zum Hals us,
doch sie hed eifach immernu so chalt.

**Refrain: Gott weisch was? Ich schickdr ä Brief idr Fläschäposcht
oder im Schnabel vonerä wiissä Tubä.
Det drinnä stahd wasi dier z'sägä ha,
villicht chunds schriftlich ja besser bi dier aa.**

Gott, ich läbä mis Läbä gärä,
aber mängisch heds eifachz'vill Stei im Wäg.
Und ich weiss nid weni diä söll überquärä,
ich gseh kei Brügg und au kei Stäg.

Refrain:

Ich föhl mich gfangä, im immer gliichä Spiel,
ich flügä z'Bodä und stah wieder uf.
Doch ich glaubä, so schaff ich's nid is Ziel,
mier fählt d'Chraft und dr nötig Schnuf.

**Refrain: Gott, chönnt ich doch meh Vertruuä ha,
meh Glaubä i dich und dini Chraft.
Chönnt alli Zwifel und Ängscht la stah
und chönnt ufrächt dur mis Läbä gah,
dur mis Läbä gah!**